

ԹԻՎԸ ՄԻՋՆԱԴԱՐՅԱՆ ՄՏԱԾՈՂՈՒԹՅԱՆ ՆԱՄԱԿԱՐԳՈՒՄ

ՆԱՅԿԱԶՈՒՆ ԱԼՎՐՅՅԱՆ

Քանասիրական գիտությունների թեկնածու

ԵԳՊԱ դոցենտ

Նոգեւոր տաղերգության խորհրդական խոսքի կառուցման մեջ եւ, ընդհանրապէս, միջնադարյան գեղարվեստական մտածողության համակարգում թվով արտահայտված խորհրդանշանը, թերեւս, ամենաբարդն ու դժվարընկալելին է: Դրանով տետք է բացատրել այն, որ թե՛ մեկնիչները, թե՛ բանաստեղծներն այս հանգամանքի վրա ավելի շատ են ուշադրություն հրավիրել:

Նին աշխարհում եւ միջնադարում իմաստասերները, աստվածաբաններն ու մեկնիչները համոզված էին, որ Աստծո արարչագործության ներդաշնակության ու կատարելության հիմքում թիվն է, չափ ու կշիռը: Սողոմոնի «Իմաստության» մեջ կարդում ենք. «*Այլ զամենայն չափով եւ թուով եւ կշռով կարգեցեր, զի մեծադէս կարօղ լինել յամենայն ժամ առ քեզ է. եւ զօրութեան բազկի քոյ ո՞վ է որ ընդդէմ դառնայցե*»¹:

«Իմաստության» հայ մեկնիչը՝ Ներսէս Լամբրոնացին, այն կարծիքին է, որ այդ չափ ու կշիռը թեւեւ մեզ հասանելի չէ, բայց դրանով է ամեն բան կարգավորվում եւ ուղղվում. «*Չափ եւ կշիռ կամաց Աստծոյ տեսչութեանն մեզ անհասանելի է, սակայն յարդար կամաց նորա ամենեւին բարեկարգ ուղղի*»²: Գրիգոր Նարեկացուն նվիրված արժեքավոր աշխատության մեջ Պ. Խաչատրյանը մեծ բանաստեղծի գործածած թվերի խորհրդավորության (միատիկայի) մասին գրում է. «*Նարեկացու գեղարվեստական մտածողության համակարգում խորհրդանշային ամենացայտուն տարրը թերեւս թվերն են՝ նրանց տրված այլաբանական իմաստներով ու խորհրդավոր կիրառմամբ: Միջնադարը թվերին նայում է որդես կյանքի եւ բնության օրինաչափությունների վերացարկումների, հետեւադէս եւ՝ բազմանշանակ ընդհանրացումների, որոնց հիմքում ընկած են մարդու կազմությանն ու բնախոսությանը, կենցաղային ոլորտին ու աշխատանքային գործունեությանը, շրջադաստող բնությանն ու իմացության տարբեր բնագավառներին վերաբերող դիտումներ, եզրահանգումներ*»³:

¹ Իմաստութիւն Սողոմոնի, ԺԱ, 22:

² Ներսէս Լամբրոնացի, Մեկնություն Սողոմոնի իմաստության, Երեւանի համալսարանի հրատ., Եր., 2004, էջ 182:

³ Պողոս Խաչատրյան, Գրիգոր Նարեկացին եւ հայ միջնադարը, Ս. Էջմիածին, 1996, էջ 346:

Թվով արտահայտված այլաբանությունն ամենատարածված միջոցներից էր: Դրա հիմնական տատանումն այն է, որ թիվն ունի քիչ միջոցներով շատ բան ասելու հնարավորություն, եւ, որ ավելի կարեւոր է, միջնադարի ուսյալ մարդու համար դրա «ծածկագիրը» մեծ գաղտնիք չէր: Պ. Խաչատրյանը ճիշտ է նկատել, որ «Դրանք (իմա՛ թվերը) միջնադարյան մտավորական մարդու համար որքան բնական ու հասկանալի, նույնքան էլ նոր ժամանակների մտածողությանը թվում են խորթ ու սխալաստիկ: Սակայն մանավանդ այդ բնագավառում է, որ մեկնիչներն օգնում են ի հայտ բերելու Նարեկացու երկի որոշ թաքուն շերտեր»⁴:

Թվերի խորհուրդների մասին ուշագրավ են խորանների մեկնիչների տեսակետները: Ստեփանոս Սյունեցու մեկնության մեջ կարդում ենք. «Իսկ եղջիրք կամարացն անդրէն ի վերայ խոյակացն գոյգ առ միմեանս կարմիր եւ կաղոյտ խարսխեալ հինգ հինգ մասամբք մերձ ընդ մերձ գիինգ դատողական եւ գիինգ տախտակաց արինացն նշանակե»⁵: Այսինքն՝ խոյակների երկու հինգական մասերն առանձնաբար («հինգ հինգ մասամբք»), որոշես թիվ, խորհրդանշում են երկու հոգեւոր հասկացություններ՝ հինգ դատողական եւ Օրենքի հինգ տախտակները:

Իններորդ խորանի խորհրդականության մասին Ներսես Շնորհալիմ գրում է. «Եւ այսոյէս իններորդ խորանս խորհրդական, որ է երիցս երեք նշանակէ մեզ զերիս անտարանիշս համաբարբառս զՄաթեոս, զՄարկոս, զԼուկաս...»⁶: Ինը երրորդված երեքն է, որ խորհրդանշում է երեք համաբարբառ ավետարանիչներին, իսկ երեքի խորհուրդն ակհայտ է. երրորդ խորանի կամարները երեք են, «քանզի անձնատուրութիւն Երրորդութեան գիտելի էր նոցա, ուսեալք ի սերովբէիցն յերեքսրբեանն, գոր եւ մարգարէիցն ուսուցանէին»⁷:

Թվերի խորհուրդների մեկնություններով հատկապես աչքի է ընկնում Գրիգոր Տաթևացին. «Ի ցանգն Անտարանին տեսութիւն...» մեկնության մեջ հանգամանորեն անդրադառնալով բոլոր խորանների խորհուրդներին՝ հատկապես կենտրոնանում է թվերի խորհրդաբանության վրա: Այս տեսակետից խիստ ուշագրավ է հետեւյալ մեկնությունը. «Դարձեալ շրջէ զկարգն, զի Դ-ն մերձ է առ մեզ, եւ երբեակն՝ զկնի նորա եւ որ ի կարգին է, միակն ցուցանէ զբնական արեւքին, որ տուաւ նախնեացն. եւ երկեակն՝ զբանական արեւնս, որ երկրորդեցաւ զկնի առաջնոյն, երբեակն՝ զգրաւորն, որ երրորդեցաւ զկնի երկրորդին, չորրորդն, յորս Դ-ն, զնորս եւ զԱնտարանս, որ չորրորդեցաւ զկնի երրորդին:

⁴ Նույն տեղում, նշվ. աշխ., էջ 352:

⁵ Մեկնութիւնք խորանաց, Դետագոտություն եւ բնագրեր, Աշխատասիրությանը՝ Վ. Դ. Ղազարյանի, Մայր Աթոռ Ս. Էջմիածնի, 2004, էջ 259:

⁶ Նույն տեղում, էջ 287-288:

⁷ Նույն տեղում, էջ 277:

Եւ զի Գ երբեակն, որ է Թ, նշանակ գրատրականին անկատար եւ անկատարիցն տուեալ: Իսկ նորս Դ-ն, որ ծնանի զԺ՝ կատարեալ եւ կատարելոցն տուեալ: Դարձեալ առաջին Դ-ն նշանակէ զՄաթեոս հանդերձ երիւքն, երբեակն՝ զՄարկոս հանդերձ երկրորոնքն, երկեակն՝ զԴուկաս՝ հանդերձ միսովն, միայնակն՝ զՅովհաննէս առանձինն եւ ոչ ոք զկնի նորայ»⁸:

Նա մեզ մոտիկ (մերձ) է համարում չորս թիվը, որին հետեւում են երեքը, երկուսը եւ մեկը: Այստեղ ուշագրաւ է այն, որ չորս թիվը, որ խորհրդանշում է չորս Ավետարանները, համարվում է կատարյալ՝ տրված կատարյալներին, քանզի նրանից առաջանում է տասը թիվը (չորսը միակ թիվն է, որի մեջ կա եւ մեկ թիվը, եւ երկու թիվը, եւ երեք թիվը, եւ չորս թիվը, որոնց գումարը տալիս է տասը թիվը): Մեջբերված հատվածն ուշագրաւ է նաեւ այն տեսակետից, որ արծարծվող խնդրի համար Տաթևացին առաջարկում է ոչ տական հետաքրքիր մեկ այլ մեկնություն՝ «Եւ այլ եւս տեսութիւն»⁹:

«Երգ երգոցի» մեկ տողի («Սրտակա՛թ արարեր զմեզ քոյր մեր հարսն. սրտակա՛թ արարեր զմեզմ միով ակամբ քով, եւ միով քառամանեկաւ դարանոցի քոյ»¹⁰) մեկնության մեջ Գրիգոր Տաթևացին չորս թվի կատարելության մասին հավելյալ տեղեկություններ է հաղորդում. «Մանյակն ըստ մարմնի այն է, որ հարսը ոսկի շարոց է դնում դեմքի կամ դարանոցի վրա: Եւ չորս, որովհետեւ չորս նյութից է՝ ոսկի, արծաթ, ակներ եւ մարգարիտ: Իսկ եկեղեցու մանյակը Ավետարանի քաղցր լուծն է, եւ չորսը՝ հավատը, հույսը, սերը եւ մարմնի սրբությունը կամ աղաշխարությունն է, որ ընդունեց Չակքետսը. «Կհատուցեմ քառադատիկ» (հմմտ. Դուկ., ԺԹ, 1-8), այսինքն՝ քառանյութ մարմնովս կաղաշխարեմ: Եւ դարձյալ մի մեղքի համար չորսն է աղաշխարանքը, այսինքն՝ զղջում, խոստովանություն եւ մարմնի աղաշխարություն եւ ողորմություն»¹¹:

Թվերի խորհուրդների մեկնությամբ եւ հատկապես դրանցով ստեղծված այլաբանություններով անմրցելի է Գրիգոր Նարեկացին. նա հույժ կարեւոր է համարում թվերի խորհուրդները. «Ի համարս թուոց տասնն է կատարեալ, եւ եթէ այլ թուէ, ի մին դառնայ, ասել՝ մետասան. եւ որ ի կարգին է. նա եւ աստուա-

⁸ Նույն տեղում, էջ 339-340:

⁹ «Եւ այլ եւս տեսութիւն: Չի Դ եւ Թ լինի ԺԳ, եւ վերջին միակ Ժ ի վերա՝ ԺԴ եւ Ժ եւս, որ են յորս երկուքն, լինի ԻԴ՝ նշանակ ԻԴ զլխաւոր արարածոց եւ ԻԴ մարգարէիցն, եւ ԻԴ այբուբենից երրայեցոցն եւ այլն: Դարձյալ Դ եւ Թ եւ Ժ, յորս երկուքն, եւ վերջին Ժ լինի ԼԳ, ցուցանէ զԼԳ ամբ Կենարարին, որ ի վերայ երկրի եւ ԼԳ ծած քարոզութեան ի դժոխս: Իսկ Ը ի Մաթեոս եւ Զ ի Մարկոս եւ Է Դուկաս եւ Զ Յովհաննէս լինի ԻԷ, ցուցանէ զԻԷ խորանս ցանգի խորանացն, որ ասէ յորս չորսն եւ Գ-ն եւ այլն զկնի»: Մեկնութիւնք խորանաց, Յետազոտություն եւ բնագրեր, Աշխատասիրությամբ՝ Վ. Դ. Ղազարյանի, Մայր Աթոռ Ս. Էջմիածնի, 2004, էջ 340:

¹⁰ Երգ երգոց, Դ, 9:

¹¹ Գրիգոր Տաթևացի, Երգ երգոցի մեկնությունը, Անկյունաքար, Եր., 2005, էջ 57:

ծաքան վկայէ այսմ: Արդ որդէս ի միական, նոյնդէս եւ ի տասնեական տասն տասն հարիւր է. եւ հինգ տասն յիսուն. Նարիւր կատարեալ թիւ է որդէս գտասն, եւ յիսուն կէս թիւ որդէս զհինգն: Արդ զկէս աչս ունի մարդ, եւ ոչ կատարեալ: Այսինքն յըսնաւորք: Արդ զհա՞ր կարէ տեսանել զծածկեալն ի տեսնենէ, այսինքն յըսնաւորես: Նաեւ ի հարիւրաւորացն, այսինքն ի հրեշտակաց անտեսանելի է. թեղետ եւ ոչ որդէս մեզ, այլ եւ ոչ կատարեալ»¹²: Այստեղ էական է նաեւ Նարեկացու այն միտքը, որ մարդը (հիսնավորը) կատարյալ չէ եւ չի կարող տեսնել իրենից ծածկվածը¹³, երբ անգամ հարյուրավորների՝ հրեշտակների (կատարյալների) համար է այն անտեսանելի, թեւե՛ր ոչ մեզ տես: Գրիգոր Նարեկացին առանց երկիմաստության ասում է, որ հարյուր թիվը կատարաւ է ճիշտ այնդէս, ինչդէս մեկը՝ միավորների, տասը՝ տասնավորների մեջ:

Խորանների մեկնության մեջ տասը թվի կատարելության մասին Գրիգոր վարդապետ Խլաթեցին (Օերենցի) տալիս է կարեւոր բացատրություն. «Իսկ խորհրդով տեսեալ գտասն, զի թիւ է սրբագոյն եւ նրբի Սատոծոյ, եւ ըստ տասնաբանեան արիւնացն եւ ըստ փեղկից խորանին եւ ըստ Ժ մասանց արարածոց, եւ որքէ ի մեզ են զգայարանք մարմնոյ եւ զարութիւնք Նոգոյ»¹⁴:

Նարյուր թվի կատարյալ լինելու ակունքները Աստվածաշնչում են: Նիսուս Քրիստոս երկրի վրա աղբեց երեսուներեք տարի եւ չորս ամիս: Արդեն նշվեց, որ մարդկության հոգեւոր զարգացման երեք շրջաններից յուրաքանչյուրը, ըստ Աստվածաշնչի, բաղկացած է երկու հազար տարուց (Աստծո արարչագործության վեց օրերը): Այն, որ Նիսուս Քրիստոս չէր եկել միայն վերջին՝ սիրո (Ավետարանի) շրջանի համար, վկայում է ինքը. հրեաները մեղադրում են Նիսուսին ստախոսության մեջ. «Ասեն ցնա Նրեայքն. յիսուն ամ չեւ եւս է քո, եւ զԱբրահա՞մ տեսեր: Ասէ ցնոսա Յիսուս. ամէն ամէն ասեմ ձեզ. յառաջ քան զլինելն Աբրահամու եմ ես»¹⁵: Այսինքն՝ Աբրահամից՝ Նին ուխտից առաջ՝ եւ բոլոր ժամանակներում է ինքը: Ուրեմն՝ նրա երկրային կյանքի տարիները տեսք է երրորդել, եւ կատացվի ուղիղ հարյուր տարի. այսինքն՝ Աստծո ամենակալ ու անվախճան թագավորությունը, որը կատարյալ է, բայց մարդկանց՝ հիսնավորների համար՝ անհասկանալի: Ուշագրավ է, որ հրեաները Քրիստոսի տարիքը սահմանելիս գործածում են հիսուն թիվը, այսինքն՝ նրա մեջ տեսնում են միայն մարդուն (հիսնավորին) եւ ոչ թե Աստծուն (հարյուրավորին՝ կատարյալը):

¹² Գր. Նարեկացի, Մատենագրութիւնք, Վենետիկ, 1840, էջ 279:

¹³ Ներսես Լամբրոնացու վերոնշյալն տեսակետը՝ «Չափ եւ կշիռ կամաց Աստծոյ տեսչութեանն մեզ անհասանելի է» թերեւս բխում է այստեղից:

¹⁴ Մեկնութիւնք խորանաց, Յետագոտություն եւ բնագրեր, Աշխատասիրությամբ՝ Վ. Գ. Ղազարյանի, Մայր Աթոռ Ս. Էջմիածնի, 2004, էջ 309:

¹⁵ Աւետարան ըստ Յովհաննու, Ը, 57-58:

Նարյուր թիվը նաեւ այլ խորհուրդի նշանակ է. Աբրահամի հետ ուխտ կնքելիս Աստված նրան խոստանում է զավակ, ով ծնվում է այն ժամանակ, երբ լրանում է Աբրահամի հարյուր տարին («Եւ Աբրահամ հարիւրամեան էր յորժամ եղեւ նմա Իսահակ որդի իւր»¹⁶): Նին Կտակարանում Նիսուս Քրիստոսի գոհաբերությունն ու հարությունը ներկայացնող տիպարը Իսահակն է (թարգմանվում է խնդություն¹⁷). Աստված Աբրահամի հավատն ստուգելու համար պատվիրում է գոհաբերել Իսահակին եւ միայն վերջին պահին է կասեցնում նրան՝ մատնացույց անելով գոհաբերության գառը (Գառն Աստծո), որը նույնպէս Նիսուս Քրիստոսին էր խորհրդանշում: Այլ կերպ՝ Աստծո հավատալոր ժողովուրդների նախահայրը՝ հայր Աբրահամը (թարգմանվում է հայր բազմաց), հարյուր տարեկանում ունեցավ Իսահակին, այսինքն՝ Աստծո սահմանած տարիքում, որը կատարյալ է:

Գրիգոր Նարեկացին «Մատյանում» կատարյալ է համարում նաեւ յոթ թիվը. «Որ զանբաւութիւնս թոռոց ղարագրե» Մատյան, ՂԹ, 56), աստվածային հարակալության, անհետագոտելի սահմանի, անհատ հորդության արժեք եւ համարում դժվար բացատրելի («Դժուարթարգմանելի մերոց իմաստից» - ԼԱ, 33), քանի որ յոթի այբբենական նշանը (Է) հայ միջնադարում նույնացվում է աստվածության հետ, եւ Աստծո հատկանիշներով էր բնութագրվում նաեւ այդ թիվը¹⁸:

Պատկերացում կազմելու համար, թե թվերով արտահայտված այլաբանություններն ինչ բարդ համակարգ են ներկայացնում, բերենք մեկ օրինակ:

Քանզի իննուց յիսնից եւ թոռոց երից եւ չորեակ տասնից,
Ի վաղորդայնէ տուրնջեանն առ մուտս արեւուն,
Անդուստ առ նմին յաւետ կարկառմամբ
Իսկ եւ իսկ ի սոյն անարգել սրտիւ
Ի վեր է, քան զաղերսանաց ակնկալութիւն մարդկային՝
Բարեգործել միմեանց շնորհատրութիւն... (տ. 29-34):

«Մատեանի» քսանիններորդ գլխի այս տողերի խորհուրդի մեկնությանը միջնադարից մինչեւ մեր օրերն անդրադարձել են շատ մեկնիչներ ու բանասերներ: Նատկադես հետաքրքիր է Ստ. Մալխասյանի մեկնությունը. «Ինձ թվում է,

¹⁶ Գիրք Ծննդոց, ԻԱ, 5:

¹⁷ Համաբարբառ Աստուածաշունչ մատեանի, Աշխատասիրեց Վեր. Վահագն Գ. Սահակեան, Տղարան Ատլաս, Պեյրուք, 1963, էջ 1173:

¹⁸ Պողոս Խաչատրյան, նշվ. աշխ, էջ 351:

թե այս առեղծվածը լուծվում է ավելի բնական եւ իմաստին համադաստասխան կերպով, տրված բոլոր թվանշաններն էլ նկատի առնելով, այսպես. Ինն յիսուն = 450 + թիւք երեք = 3 + չորեակ տասունք = 40, ընդամենը 493: Այս գումարը (493) վերածվում է հետեւյալ թվերին – 400, 70, 20, 3, որոնք նդատակահարմար շարքով դասավորելով եւ տառերով արտահայտելով՝ կստանանք.

70 = Շ 400 = Ն

= «հինգ» բառը:

20 = Ի 3 = Գ

Առեղծվածը այսպես լուծվելուց հետո հասկանալի կդառնա ամբողջ խոսքի իմաստը»¹⁹, այսինքն՝ ինչո՞ւ հինգ. բացատրությունը շատ տարզ է. հինգ թիվը ցույց է տալիս Նայոց եկեղեցում սահմանված աղոթքի ժամերը՝ Առաւօտու, Արեւագալի, Երրորդ, Վեցերորդ եւ Իններորդ²⁰:

Նամառոտ այս ակնարկն իսկ բավական է տատկերացում կազմելու համար թվով արտահայտված հոգեւոր խորհրդանշանի մասին, որը միջնադարի գեղարվեստական մտածողության համակարգում բացառիկ կարեւորություն ունի՝ որդես այլաբանական խոսքի ատաղձ: Սրա անտեսումն անխուսափելիորեն հանգեցնում է խորհրդական խոսքի բնույթի անտեսմանը՝ դրանով դուռ բացելով այդ խոսքի բուն բովանդակության տարգումակ ընկալման համար:

¹⁹ Հուշարձան ժողովածու, Վիեննա, 1911, էջ 223-224:

²⁰ Տե՛ս Պ. Խաչատրյան, մշվ. աշխ., էջ 350: